

Naalakkersuisut suleriaasianni § 37 naapertorlugu Naalakkersuisunut apeqqutit imaattut saqqummiuppakka:

1. Nunatta Kangiani (Tunumi) immikkut isiginnittumik inuussutissarsiornikkut siuarsaasoqar-nissaa minnerunngitsumik aalisarnikkut siunniunneqarnikuuvoq, sumiiffimmi pineqartumi nunaqartut piginneqataaffigisaannut avaleraasartuunik pisassiisoqanngitsoornera sumik tungaveqarpa?
2. Nunatta Kangiani (Tunumi) inuussutissarsiutit siuarsarneqartussat siunniunneqarsimasut allat suuppat sumiiffimmi najugaqartunut imminut pilersornerulernissamik pilersitsisussat?

(Nikolaj Jeremiassen, Siumut)

### **Nassuiaat**

Nunamut namminersulivinnissap tungaanut ingerlaartumut, minnerunngitsumillu Nuna inumminik aqunneqarluni ingerlassappat saneqqunneqarsinnaanngilaq Nunatta immattalu pisuussutai uumas-susillit uumaatsullu najugaqartunit annertunerpaamik inuuniarnikkut atorluarneqarnissaat sumiif-fimmi najugaqartut isiginnaartuinnaassanngippata. Taamaattumik paaserusuppara Tunup immikkut isigineqarluni siuarsarneqarnissaanik siunniussaqaarneq sumut sammiveqarner-soq.

Suliffiit ullut qulit qaangiutsinnagit akineqarnissara piumasarivara.